



18
3324

Broj: 06-11-881/24-10
Ilidža, 12.03.2024. godine

Na osnovu člana 70. Zakona o javnim nabavkama („Službeni glasnik BiH“, broj 39/14 i 59/22) i Zapisnika o pregledu i ocjeni ponuda br: 06-11-881/24-9 K od 12.03.2024. godine, Općinski načelnik donosi:

O D L U K U

O IZBORU NAJPOVOLJNIJEG PONUĐAČA ZA JAVNU NABAVKU BROJ 12/24 LOT 3

I

Prihvata se preporuka Komisije za javne nabavke za **JN 12/24 LOT 3 „Asfaltiranje makadamskih saobraćajnica području općine Ilidža“** kojom se ponuda ponuđača **GPI d.o.o. Konjic** proglašava najpovoljnijom, a čija cijena ponude bez PDV-a iznosi 445.000,00 KM.

II

Ponuđač GPI d.o.o. obavezan je u roku od 7 (sedam) dana od dana prijema ove odluke Ugovornom organu dostaviti uvjerenja iz člana 45. stav (2) tačka a), b) c) i d) Zakona o javnim nabavkama.

III

Po pravosnažnosti ove odluke, ugovorni organ će pozvati izabranog ponuđača radi zaključenja okvirnog sporazuma kojim će se regulisati međusobna prava i obaveze vezane za predmetnu nabavku shodno zahtjevima-uslovima ugovornog organa navedenim u Tenderskoj dokumentaciji.

IV

Istovremeno sa dostavljanjem ove Odluke ponuđačima ista će se objaviti na web stranici Ugovornog organa.

O b r a z l o ž e n j e

Postupak javne nabavke broj **12/24 LOT 3 „Asfaltiranje makadamskih saobraćajnica na području općine Ilidža“** putem otvorenog postupka, pokrenut je Odlukom o pokretanju postupka nabavke broj 06-11-881/24-1 od 05.02.2024. godine. Javna nabavka objavljena je na Portalu javnih nabavki brojem obavještenja 888-1-3-35-3-60/24 od 12.02.2024. godine

Ponude su blagovremeno dostavili: **TELEFONGRADNJA d.o.o.** Industrijska 12 Hadžići, **MGBH d.o.o.**, Lužansko polje 7, Ilidža, **GPI d.o.o.** Trešanica br. 61, Konjic i **GP ING d.o.o.** Hifzi Bjelevca br.5, Ilidža

Analizom ponuda utvrđeno je da su ponuđači **MGBH d.o.o.**, **GPI d.o.o.** i **GP ING d.o.o.** ispunili uslove iz tenderske dokumentacije, odnosno da su dostavili tražene dokaze.

Pregledom ponude ponuđača **TELEFONGRADNJA d.o.o.** Sarajevo utvrđeno je da navedeni ponuđač nije postupio u skladu sa zahtjevom iz tenderske dokumentacije u pogledu roka važenja Garancije za ozbiljnost ponude. Naime, ponuđač je dostavio garanciju sa rokom važenja do 24.06.2024.g.

Tačkom 4. Tenderske dokumentacije ("Garancija za ozbiljnost ponude") propisano je "Validnost garancije: Garancija treba da bude validna tokom cijelog perioda važenja ponude", dok je u tački 4. Obrasca za ponudu propisano: " Ova ponuda važi 120 (stotinudvadeset) dana računajući od isteka roka za dostavljanje ponuda".

Ponuđač TELEFONGRADNJA d.o.o., nije postupio u skladu sa postavljenim zahtjevom tenderske dokumentacije odnosno dostavio je Garanciju za ozbiljnost ponude sa kraćim rokom važenja u odnosu na zahtjevani, te je ponuda ocijenjena kao nepravilna u skladu sa članom 2. Zakona o javnim nabavkama, te se ista primjenom člana 68. stav (4) tačka i) Zakona odbacuje.

S obzirom da je kao kriterij za dodjelu ugovora određen kriterij „najniža cijena“, Komisija za javne nabavke utvrdila je konačnu rang listu ponuđača kako slijedi:

1. GPI d.o.o., čija cijena ponude bez PDV-a iznosi 445.000,00 KM
2. GPI ING d.o.o., čija cijena ponude bez PDV-a iznosi: 462.000,00 KM
3. MGBH d.o.o., čija cijena ponude bez PDV-a iznosi: 486.213,20 KM

Imajući u vidu navedeno Komisija za javne nabavke predložila je općinskom načelniku donošenje odluke o izboru ponude GPI d.o.o. Konjic kao najpovoljnije, čija cijena ponude bez PDV-a iznosi 445.000,00 KM.

Na osnovu navedenog odlučeno je kao u dispozitivu.

POUKA O PRAVNOM LIJEKU:

Protiv ove Odluke ponuđači imaju pravo da izjave žalbu u roku od deset dana od dana prijema odluke. Žalba se ulaže URŽ-u putem ugovornog organa u pisanoj formi direktno ili preporučenom poštanskom pošiljkom. Žalba se podnosi u tri primjeraka.

OPĆINSKI NAČELNIK

Nermin Muzur, magistar uprave

DOSTAVLJENO:

1. Ponuđačima 4x
2. Služba za finansije
3. Služba za komunalne poslove i infrastrukturu
4. Služba za zajedničke poslove (za objavu na web)
5. a/a

Izradila: Enisa O.M.

Kontrolisao: Benjamin M.

